

織簾書屋詩鈔

序

詩發乎情情不同而詩亦因之而異故頌其詩可以知其人矯情者乖矜情者浮匿其情而雕飾以爲工餽飭以爲雅剽竊摹仿以爲能是僞而已矣烏足以言情夫情動於中感時興物長言詠歎適中乎音響節奏之自然溫厚和平不蘄勝於人輒有以饜飫乎人心則惟其情之眞也余少承庭訓習爲詩及長讀書仕宦自視恆欲然流覽古今直抒胸臆結交半詞人遊迹徧幽冀青兗徐豫荆揚時有述懷詠史贈答行旅之作稿多不存

茲檢存者錄之自戊午迄辛亥釐爲十二卷然祇以達  
吾之情焉而已若忝然自命爲詩人則吾豈敢咸豐元  
年冬十二月沈兆濤自序於河南按察司署之嘉石庭

織簾書屋詩鈔目錄

卷一

古近體詩八十五首

卷二

古近體詩九十四首

卷三

古近體詩八十首

卷四

古近體詩六十八首

卷五

古近體詩六十八首

卷六

古近體詩七十三首

卷七

古近體詩六十三首

卷八

古近體詩一百十二首

卷九

古近體詩五十七首

卷十

古近體詩六十五首

卷十一

古近體詩五十九首

卷十二

古近體詩七十首

織簾書屋詩鈔卷一

戊午至丙子

天津 沈兆溥 雲巢

芥園

舊爲查氏水西莊

葭菼晚蒼蒼閒遊古渡旁寒風疏落葉歸鳥下斜陽寺  
隱孤雲寺名影樓餘豔雪樓名香詩僧聊可語爲就水西莊

春日郊行

帶河門外直沽西野徑春深布穀嘯幾處酒帘紅杏雨  
誰家釣艇綠楊隄尋芳恰好逢嘉友得句何煩付小奚  
老屋城南歸去晚鐘聲隱隱出招提

霖雨

霖雨閒門掩薜蘿  
瀟瀟檐溜響層波  
雲埋午日當窗暗  
風送荒雞入夢多  
壟麥未收愁踈地  
林花半放惜黏柯  
秦州聞道軍書急  
洗甲應期奏凱歌

曉起

鐘聲破殘夢  
冉冉雲外度  
臥聞檐雀喧  
天色知將曙  
披衣啟戶  
蹢躅庭前步  
幽林冑寒煙  
新花泣餘露  
悠然見層巖  
熇微升朝煦  
羣動未懂擾  
吾且領清趣

幽居用放翁韻同潤田兄作



懷抱何堪與俗論吾廬卽事總多欣同心友到閒評史  
徹骨貧來懶賣文一院有花延皓月十年種樹拂青雲  
他時風雨中宵裏應憶寒窗稽古勤

過志三伯祖故居

賸有門前綽楔畱百年零落舊弓裘燕飛不到林花落

惆悵春風問業樓

樓舊爲  
讀書處

不寐

夜長無久夢坐起聽鐘聲殘月光將墮孤鐙火似明愁  
多名念淡靜極道心生好是漆園吏遽然一枕清

冬郊卽目

歲晏久不出偶出豁心目旭日澹空林寒光散茅屋野  
曠行人稀迢遰窮崖谷矯矯雲間鶴由由町中鹿年稔  
秔稻多前村新醅熟談笑集田翁恬懷足清福

和潤田兄感懷

拓落謾相戲迢然欲答賓盛名當晚達俊士豈長貧花  
樣翻時輩風流愛古人襟懷同坦蕩明月是前身

送吳蘇村南旋

浮生行役感飄蓬久客歸途興不窮雲隱泰山尋漢碣

花開茂苑弔吳宮，夢殘馬色雞聲外。  
春老鞭絲帽影中，此後離羣知憶我。  
臨歧罇酒惜慙慙。

題觀海圖用東坡海市韻

洪濤瀾汗排晴空，萬里一瞬蒼茫中。  
披圖陡覺胸襟壯，恍惚御氣遊瓊宮。  
雲霞明滅萬態變，木華作賦描難工。  
奇傑誰與能領此，磅礴大氣吞蛟龍。  
昔年登州現海市，重樓霜曉吟坡翁。  
潑墨惜無李思訓，偉觀過眼徒稱雄。  
君胸自是蟠邱壑，蚡蜥倣詭生無窮。  
元氣浮沈浴日月，筆所欲到心神融。  
下視江漢一勺水，渺如綠蟻浮金鍾。

我家津門逼渤澥跨鶴羽毛歎未豐蓬瀛咫尺杳天上  
矯首旭日光磨銅豪情豈是臥遊者會當破浪乘長風

通州道中

薄寒新雨後策馬潞城陰殘照遠山墮小橋流水深  
明投野店秋老聽清砧遙想北堂夜風霜夢境尋

題散花圖

花飛點點落珠龕色相先教靜裏參我有妙蓮無處著  
翻從天女乞筠籃

燕

飛飛雙燕子兩夜定巢忙  
蓬舍山中穩何須傍畫梁

夜雨

一雨洗殘暑宵深風更涼  
螢光微入戶花徑暗聞香  
久坐捐葵扇安眠稱石牀  
卻思苦炎熱樂境已羲皇

詠史

雞鳴狗盜亦稱雄  
毀廢闐然代舍空  
盡說孟嘗多得士  
三千人裏一馮公

存問多情記昔年  
田文賓客遂三千  
如何魏子偏遭黜  
倉粟區區假與賢

門下三年寄此身囊錐譏誚太無倫誰知按劍持盤者  
卽是羣相目笑人

散財聚衆建奇功效死居然國士風如斯妙計如斯勇  
不在當年食客中

公子翩翩世所稱求才皮相總無憑可憐趙氏連城璧  
不入平原入信陵

夷門執策意殷勤圍解邯鄲藉樹勳富貴驕人誇好士  
千秋慙愧信陵君

如姬臥內竊兵符慷慨何人入趙俱公子恩深臣效命

愛他市井鼓刀屠

謀臣一去身旋敗  
歎息春申相業空  
伏甲棘門君始悟  
朱英悔不置郎中

長夜

長夜漫漫不肯明  
寒雞臍脯兩三聲  
騎驢記得蘆溝上

殘月隨人入鳳城

辛酉鄉試展期  
九月策蹇入都

壬戌二十初度作

喜侍庭幃進兕觥  
兒年及冠慰親情  
鬢門久伴三鱸集  
已未補諸生  
海屋初聞一鶴鳴  
十月之交春早到  
五年以長

序隨行

潤田兄長  
余五歲

揮毫作賦才何有多愧雲間陸士衡

幼歲趨庭之粵東八千里外逐歸鴻金環玉葉聲名噪

雪嶺冰山夢寐通老父歸田遊已倦吾生有命道非窮

清風思紹前人緒

六世祖莊敏公  
居餘姚清風堂

不在區區科第中

### 贈明善和尚

無心著語顛嗜酒不妨禪文士逢青眼精廬憩綠天相

人姑布術乞字衍波箋世界紛魔障焚香呪鉢蓮

恭和

家大人除夕原韻

得趣詩醇酒亦醇團圓一室話天倫功名志切還安命



菽水歡多不厭貧宦海抽身無事福者年結社素心人  
來朝已是周花甲天展韶光百二春

明年正月吾父六十壽適是年閏

海光寺

津沽分派海門通爲聽潮音到梵宮十里綠楊環郭外  
一聲清磬出林中水深春暖魚龍夜野闊秋高鷓雀風  
時倚御書樓檻望樽桑高捧日曠隴

月夜憶友人

湘簾捲玉鉤皓月碧天秋花塢明於晝星河淡欲流遙

知孤客艇應載暮雲愁攜手何年去同登百尺樓

雪後讀書呈譚子受先生

東郭何緣困客居峨嶺山下有精廬自耽閒寂饒佳趣  
萬樹梅花萬卷書

松徑渾疑月色鋪垂帷人坐一鐙孤窗間自點生花筆  
不寫山陰訪戴圖

斐几匡牀一室寬花餘蒼蘂戀檐端春風曾侍先生坐  
立到移時不覺寒

恭和家大人甲子生日原韻

曾祝喬齡周甲子又逢甲子紀年新洛陽結社尊居士  
絳縣占星應老人柏葉酒濃三雅暢梅花香暖一堂春

焉逢

律書歲在甲日逢逢

歲月從頭數丹桂百年依大椿

晚步

晚步丁沽上紅橋幾處連幽林迷遠寺涼意逗疏蟬村  
市頻呼酒人家半住船斜陽閃鴉背一一破蒼煙

王仰山草堂

草堂新築愜幽情願我偏勞倒屣迎羨煞君家兄弟樂  
紙窗蕉雨讀書聲

輓康道平明經

錄一

朔風獵獵失朝暎重訪清標  
悵鹿門一葉離騷琴七尺  
梅花深處弔吟魂

塞下曲

陳荔峯宗師試錄一

征人六月據雕鞍無定河邊曉  
尙寒馬上不須回首望  
如今冀北是長安

題蘭雪兄杏花春雨圖卽送之江南

杏花嬌豔雨霏微盪槩秦淮香滿衣  
一語贈君應記取  
江南雖好不如歸

暮春

舊年春來梅逞姿今年春去柳垂絲  
春來春去常如故人  
不年年似少時

卽興

茅齋寂靜似僧房秋盡宵寒刻漏長  
敲枕疏鐘來竹院開軒斜月落書牀  
鸞牋花豔辛夷筆貌鼎煙濃甲煎香  
坐久不知天向曉滿林鳥語隔迴塘

恭和 家大人重陽原韻

爲罷登高坐小齋一庭涼氣浸空階  
花眞解意如人淡

雨亦多情催韻排醺醪斟來堪益壽茱萸插處有同懷  
追隨杖履年年健莫問遊山幾繡鞵

秋風

秋風吹送雨連絲倒瀉銀河落九天屋敗不須頻太息  
茅檐多少斷炊煙

春日口占

紫陌花開宮錦鋪芳林有鳥喚提壺年來笑我詩情減  
如此春光一句無

丁卯下第作

滿城風雨助新愁，照乘明珠又暗投。  
作賦不曾逢狗監，還家何愧傲貂裘。  
仙人漫隔三山境，豪氣且登百尺樓。  
手把芙蓉臨碧水，一罇長嘯海天秋。

恭和 家大人秋懷示兒輩原韻

秋雨灑然至，庭竹滴新綠。  
涼氣逼重檐，風鐸戛碎玉。  
幽人喜閉關，郊原罷遠矚。  
牀前酒一壺，架上書幾束。  
陶然適性情，天懷淡自足。  
常作千秋想，百歲猶局促。  
高才任捷得多榮，亦多辱處已。  
夷惠間和介，不隨俗趨庭。  
詩禮訓幸承，再三告家風。  
緬南岡後世，庶能續。

與內子夜話

紙閣一燈紅，宵深煮茗中。  
通侯思鄧禹，孺子似梁鴻。  
擁絮消霜冷，牽蘿補壁空。  
達窮應有命，何取入時工。

春郊卽目

桃花開夾兩岸，柳樹合成一村。  
人影低隨谿水，漁舟直  
到柴門。

恭和 家大人憶舊原韻

天山風冷月輪高，三載歸心折大刀。  
賴有曠懷良友共

問花觴，詠興偏豪。

會築問花草堂集  
同人觴詠其中



玉門關外故交多，客裏聯吟歲月過。  
踏雪旗亭時貰酒，好詞齋聽妙伶歌。

新詩百卷厭行囊，回首黃雲紫塞長。  
歸去翻添離別恨，

羅浮山遠隔蒼茫。

龍雨樵先生客粵東

### 夜雨

枕底如聞萬壑流，深宵風雨鎮生愁。  
又教射策長安去，一片親心繫客舟。

### 曉發蔡村

倚閭應爲數歸期，短笠輕衫犯曉時。  
久客乍驚鳥聲變，

近鄉翻恨馬蹏遲  
林花拂水晴逾好  
村酒消寒薄亦宜  
能否旬餘重命駕  
長安得意慰親慈

客中端陽寄潤田兄

京華獨自醉壺觴  
結夏蕭齋困日長  
囊有新詩難奪錦  
客無佳節不思鄉  
綾紋攜刺登門懶  
竹葉乘舟入夢涼  
遙想尤羹歡啜處  
應憐予季未同嘗

種花

佳種親栽近水邊  
無風卽是養花天  
茶蘼縮得餘春住  
莫遣離愁到杜鵑

聞官軍平滑縣教匪

倉卒戈鋌逞里閭南征大將拜穰苴七旬汲郡銷兵氣  
中夜甘泉報捷書振旅虎賁歡脫劔遊魂螳臂歎當車  
旄頭光斂妖氛淨捧日祥雲拱 帝居

河內烽煙逼朔方傳聞道路盡倉皇京師漫結中常侍  
張寶終殲上曲陽赤羽旗開風肅影白蓮花落劔銛鋸  
應知左道誅鋤易買犢耕田歲月長

恭和 家大人臘八夜雪原韻

冬暖久不雪來春虞艱食需急望敢奢頻灑微亦得頗

喜臘鼓催倏動天心惻大地鋪玉塵盈尺積不息傾耳  
寂無聲瞥眼渾一色三白兆歲豐耒耜預修飾陰雲尙  
濛濛濃漬如潑墨笑無負郭田筆耕復心織

偶成

今人恨不見古人得見遺器如奇珍儻使古人生今日  
古心古貌難相親碌碌品評奚足道貴遠賤近淆醜好  
千里相思縈夢魂促膝談心殊草草真龍不好好似龍  
窺牖失魄嗤葉公後世定有愛才者覆瓿底事嘲揚雄

送婁生之正定

憐君纔弱歲千里獨長征馬亂滹沱水山圍鼓子城拋  
書違夙好作客識人情負米服勞事無須離恨生

橋亭卜卦硯歌

天津周月東明經得於僧房後歸查恂叔中丞  
津門城西海潮庵塵垢盈集草不刪夜夜光芒沖牛斗  
疑有干將藏石甬周子偶來瞿曇室牀下獲硯亟拭拂  
橋亭卜卦識分明攜取喜是謝公物謝公昔守信州城  
迎戰兵敗團湖坪奔走延頸日南望麻衣躡屩變姓名  
無聊賣卜建陽市羲文圖畫周孔字入夢不協熊羆占

有眼長揮鵠鵠淚淪沒土中五百年完好不磷如心堅  
護持寶物仗神力何時流落來幽燕珍藏濂溪得所託  
心許查君重然諾想見愛古有同情文節九原如可作  
鐫背曾傳學士銘元集賢學士程文海有銘乾坤正氣貫星精書齋  
不厭千回看石友文山玉帶生

菜傭行

追涼信步遊荒圃中有賣菜傭絮語舊是邑宰蒼頭奴  
親見主人供億苦驚聞大府前驅來束帶奔走冒寒暑  
肅賓餼客館舍開委積饋三牢陳五脫之作之憲膾豐

糗餌粉醢鹿豕脯納垣車馬嘈雜聲芻薪倍禾困牧園  
敢望多足虻憐夔難堪作威狐假虎坐破中人產十家  
微語輒能令公怒鞭笞支吾縻官錢敲扑補苴愁編戶  
主人半載飄然歸我亦灌園隨解組此語其然豈其然  
一笑置之市蒿苴吟歸飽飫菜根香風前披襟賞好雨

讀商鞅傳

大利惟因民循舊永無斲漫笑前人愚至善早精擇商  
君具奇才刻薄少恩澤厥術在富疆兼并開阡陌財足  
仁義亡馴至秦祚易三代民相安不過禮損益變法以

亂國後有王安石

遵法無變更百姓畫一頌未聞禁令行專恃刑罰重徙  
木與棄灰黔首受愚弄殘殺叢怨深持矛盛騎從勢若  
朝露危侍寵尙驕縱何苦匿姦嚴連坐側目衆無驗亡  
平關請君自入甕

登山詠

山外看青山面目快攬勝峯回林壑深描摹入佳詠如  
言試尋幽舉趾輒迷徑一爲訪樵夫循蹤陟蘿磴曲折  
探窮谷往復愜清興歸來紀遊蹟歷歷皆實證始覺前



言虛臆度徒惑聽修辭立其誠莫以才華競

雜感

求貴而攀援不如韋布尊求富而焦爍不如簞瓢樂名  
利任自然澹泊全吾天超然富貴外世上皆神仙  
心不存利濟枉作折腰吏財不通有無枉作守錢奴仁  
義非矯矯吾自從吾好書生慙力微小善奚足道

送人之江南

春晚江南去思君經歲回去時杏花  
落回路杏花開

雜詠

澗底孤松秀風來捲碧濤大夫五株列祇是託根高  
天下無雙豔花開朝酒酣何如樹諼草蠲忿更宜男  
善媚復多疑妖狐變化奇縱然工蠱惑怕入董生帷  
光閃雨冥冥涼宵燐火青生憎秋後草作意化流螢  
楚楚蜉蝣羽書蟬笑粲然誰知三食字猶可作神仙  
謝豹子規聲子規自呼曰謝豹催歸晚弄晴杜鵑還杜宇小鳥  
最多名

日夜鳴何益跳梁一怒休井蛙焉用式渺小子陽儔  
鶴唳九臯聞凌霄入白雲仙姿自高潔不待立雞羣

詠史錄十

重華昔倦勤總師傅禹王豈當耄期歲遠道遊瀟湘江  
神有二女列仙非英皇大風博士對附會九荒唐鳴條  
記孟子升道曰陟方南巡蒼梧野啟疑自子長

九侯女不淫紂因醢九侯西伯聞之歎被譖羸里囚無  
何釋弗誅弓矢拜賜稠天王洵明聖轉圜別有由闕天  
獻美女適與好色侔西施進吳宮千載學忠謀

李斯相始皇詩書厄秦火漢初百家言雜進淆取舍惟  
有董仲舒六藝尊儒者黃老與申韓盡絕無一可沈溺

挽狂瀾傾危支大厦如孟闢異端功不在禹下

漢武本多欲公孫勸廣大逢君愧賢臣進言工附和內  
深而外寬齊人信多詐張湯甘朋比董相致轆軻曲學  
以阿世早遭轅固罵海上牧豕兒儒術歎久假

雲臺標名將圖畫首鄧禹列宿應星文佐命開疆土中  
興推戰功智勇皆召虎二十八人中所重洵在武密令  
褒德侯乃與元勳伍循吏特表揚此識超千古

秣陵陶隱居煙霞得肆志作詩薄清談養生辭高位梁  
武早與遊恩禮稱倍至受書焚香讀手敕心腹寄溺愛

邵陵王舍身同泰寺大議咨山中所咨誠何事

吳子將伐齊興役城邗溝江淮道以達南北利行舟漢  
晉數百載常懷淤塞憂開皇大疏濬兼匯諸湖流如秦  
築長城防邊鞏金甌甘斂一時怨善爲萬世謀

積德貽子孫讀書自振拔文行歷千年權勢無由奪黃  
金輕滿贏朱門戒壯闊家聲紹清白外物等毫末樹愛  
召伯棠世寶魏公笏平泉珍艸木德裕殊不達

李愬入蔡州市肆安如故名分示三軍囊韃迎裴度具  
此大將才諒無不情訴韓愈作碑文愬黨皆觸怒進讒

術彌工仆碑卒莫悟丞相第一功惜被婦言娛

大臣格君非竭誠在忠讜匡救達本心依違來羣枉惜  
哉王子明封禪先受賞上天何言哉五鬼任欺罔披緇  
亦徒然臨終心悒快先識真聖人名相慙李沆

織簾書屋詩鈔卷二 丁丑至庚辰

天津 沈兆溥 雲巢

出西直門

一鞭曉指五雲開  
楊柳陰疏碧水隈  
十丈紅塵飛不到  
西山晴翠撲人來

微雨

微雨滌餘暑  
亂蟬催晚晴  
西風疏樹杪  
一片怒潮聲  
市近人偏澹  
心閒夢亦清  
夜來歸境熟  
秋水抱孤城

七夕

津門迢遞隔長波尺素頻通奈別何  
小院夜深風露冷  
有人獨坐看銀河

秋夜

一夕秋風起故鄉思轉深  
持螯新釀熟把釣晚煙沈  
徑爲看花掃詩多聽雨吟  
懷茲不成寐霜氣逼重衾

秋菘同汪小園作

翦韭曾當春雨滋鬱蒸土氣獨遲遲  
一畦寒夜攜鋤處  
九月濃霜壓葉時  
北地園蔬茲獨絕  
貧家風味最相宜  
題詩笑問三吳客  
可代香蓴慰遠思



將返津門畱別小園小舫昆仲

時寓雨園  
少詹京邸

揭來半載滯京華  
好趁秋風返客車  
得第原期娛白髮  
歸期應不負黃花

重陽日爲  
家慈壽辰

河梁小別無須憶  
風雨

聯牀且共誇  
記取楓林霜落後  
一鞭晴指鳳城霞

歸途作

言旋心迫路偏賒  
黃葉聲多雜暮鴉  
曾記日行三百里  
春風來看上林花

榜發後自天  
津一日抵京

秋原振策晚煙含  
蓼岸聊停月下驂  
樹繫漁舟門逐水  
依稀人到小江南

張灣示張生瑛

蒼莽暮秋天燕都並轡旋樹多平似薺山遠淡于煙場  
滌嗟年歉人歸讓鴈先一時集韓孟詩句客中聯

和小園重陽移居

相依不賦仲宣樓下榻新居傍御溝樹影濃分堂北畔  
書聲近接屋東頭與君分袂無多日笑我看花已過秋  
晨夕重來樂與數淵明卜宅句堪酬

偶成

平泉草木鬱葱籠隔巷陰連古剎松最好五更清夢破

不聞車馬只聞鐘

大光明殿

在西安門內

碧天如水浸秋月宮殿巍峩地敞豁黃瓦雜以青琉璃  
瑤房瓊室光發越前朝中葉道教崇西苑華構民力竭  
丹楹花礎盤金龍七寶莊嚴神仙窟上奉玉皇下力士  
珠闕三千冠林樾飛閣凌空臨玉池迴廊攢階駢石碣  
白鹿真人密講丹青詞宰相齊執笏髣髴雲車降九霄  
太乙壇縈香秘辭舊觀於今羽士居遊人盡許清都謁  
碧城十二曲闌干坐憩聊喜紅塵歇我來湛露霏涼宵

拜斗殿旁息車軌江村記詠移居詩門前金碧瞻天闕

高文恪公賜第在其左  
有門前金碧瞻天闕句

菊影和虛白夫人韻

籃輿栗里感當年愁對黃花九月天難續斷魂三徑裏  
空畱幻相一鐙前未知冷澹能傳否爲憶飄零已惘然  
月下白衣還自弔孑然孤立亦堪憐

不寐

怪底冬來夜偏從客裏長多愁催鬢髮無夢到家鄉迂  
拙友朋厭貧窮兄弟忘此懷誰遣得霜雪寺中涼

痛恨違心事麻衣事遠征病軀僮僕惜寒士別離輕墓  
下蔬誰奠檐前樹有聲漫漫長夜裏鷓鴣自悲鳴  
未卜松楸宅難爲菽水謀一身虧養葬中夜起哀愁負  
米關山遠封阡歲月悠不才空自歎白髮欲盈頭  
聚首天涯久同爲失怙人謂小園  
昆仲年華驚易逝憂患倍  
相親割宅愛余厚欲同居  
不果瞻雲思母頻瀕行衣上淚痕  
跡尙如新

久不得家書

敲枕宵寒夢未成月光偏向客窗明雲中恨殺南飛鴈

不達鄉書到北京

遊梁氏園

梨花如雪撲簾旌  
庭院春風片片輕  
惆悵梁園賓客散  
一池流水斷橋橫

送陳建堂孝廉還濰縣

路指家山大小珠  
萍蹤我自滯京都  
歸心已逐東流水  
三日隨君到直沽

送小舫之津門

樽前懊惱聽驪歌  
小聚恩恩奈別何  
二十五年尋舊夢

桃花渡口夕陽多

吟鞭斜拂晚煙痕  
風景江南村外村  
一路鶯聲嗶不斷  
垂楊綠到帶河門

迢迢七十二沽西  
沽上花飛逐馬蹏  
我在客中偏送客  
春深怕聽子規嗶

都門感懷用畱別韻

驚見慈幃兩鬢華  
飢驅無計強登車  
畏行萬里蠻山路  
芸閣師招遊  
粵西不果行  
來看三秋老圃花  
落木聲添遊子淚  
輕軒  
樂讓故人誇愁腸  
酒化思親淚不似  
當年泛紫霞

得家書

慰我思家意書來失笑披妻貧能事母兒幼解吟詩舊  
帙曬防蠹秋花栽傍籬平安珍兩字常爲達京師

盆梅復開和小舫

依舊容顏勻染時橫斜疏影上窗宜寒宵自耐殘冬厄  
老幹甯嫌生意遲一縷纏絲畱玉魄幾番珍重護冰姿  
料應尚有和羹用又遣春風到故枝

蘆溝橋

葭蒼露白暮天秋人自南行水北流何事輕拋蘿薜徑



西風涼雨過蘆溝

涿州

日下經涂九軌通危橋林際駕長虹  
三篙水汜河魚上千里途歧驛馬東  
自古巖疆開戰伐至今大樹識英雄  
金臺璀璨尋何處幾點寒鴉夕照中

雄縣

長隄一綫路迢迢趙北燕南十二橋  
幾樹婆娑橋畔柳棲鴉流水總魂銷

曉行

霽色挂鞭絲長隄日暮時淡煙漁父艇疏柳酒家旗秋  
老鴻飛急途遙馬去遲故園一回首千里晚雲垂

十二連城歌

燕南趙北十二城睥睨零落牆垣傾兔葵燕麥望無際  
當年絡繹屯甲兵靖難操戈真勁敵勦寇投鉞乃書生  
蘇橋潰懸魯公冑鄭村退靡齊侯旌貔貅北來五十萬  
一時捲籜秋風輕入濟幸依鐵參政還京愧對黃子澄  
惜哉九江文忠子庸如趙括墮家聲雄關重疊易破竹  
至今空傳李家營薊門霜落長河外疏柳寒煙驛路平

龍戰前朝誰得失  
麟麟不斷客車行

河問道中

舊是賢藩地  
延賓築日華  
臺空縈蔓草  
碣斷臥平沙  
黃葉孤村暗  
青山落照斜  
廣川前路近  
訪古一停車

河間懷古

漢武崇儒進賢良  
公卿一時集  
綰臧文學平  
津工緣飾  
通經獨有河間王  
冬官爲補考  
工記諸生成  
列弟子行  
被服造次遵仁義  
獻樂對策流  
芬芳胡爲杜  
業逞譚語  
縱酒有如信陵亡

事見漢名臣奏

好古燔餘守殘闕  
史遷遺事

失表揚六藝經天同不朽瀛海故國垂星芒

過紀文達公故里

詩才瑤瑟泛瀟湘博洽胸羅四庫藏恨我瓣香生太晚  
淵源空溯閱微堂

溧爲公門下門生

獻縣

曙色催行客林深策馬來輕風挾急雨相送過瀛臺

懷小園昆仲

曉發瀛海臺荒城雨中過空濛萬春山芙蓉青婀娜陷  
淖我馬瘡亭午息道左敝車如輕舟風來欲掀簸漸聽

暮蟬疏微看溼雲破行行投野店  
鐙昏僮僕情遣悶強  
裁詩獨唱誰與和遙想踏歌人  
焦窗事清課

阜城縣

麟麟聲不歇三舍別河間  
城護漳水雲分竇氏山  
輕衫空翠溼積潦桔槔閒  
旅鴈看排字江鄉應候還

景州曉發

草草凌晨發征途爾許忙  
微名競蝸角歧路繞羊腸  
塔影霧中失野花田畔香  
書臺尋董里煙樹隔微茫

望嵒華山

馬上看山得得來  
惜華秋淨溼雲開  
修眉翠黛渾如畫  
爲憶凝妝玉鏡臺

苦雨

春來常苦旱秋來常苦雨  
經旬泥淖中攬轡遶東魯  
厯下聊息止又見商羊舞  
波濤注屋檐苔蘚上楹柱  
城北大明湖良遊阻數武  
兀坐斗室中嗒焉忘朝午  
側聞衛河水漫溢遍畿輔  
禾稼未登場田疇已成浦  
嗟哉終歲勤人難足二  
鬴竈下蛙競鳴雲端龍  
餘怒我欲禱天公  
調劑憫下土來春麥苗  
新滂沛膏澤普

遊大明湖

瑟瑟大明湖澄鮮初過雨漾舟信微風容與輕一羽延  
緣綠蒲叢浪花散復聚遊魚若空行一一細可數汲水  
煎新茶瓷甌泛碧乳良遊憺忘歸吟聲答柔艣

趵突泉

薄遊純陽祠疏陰散林樾紺宇面涌泉潏然噴白雪飛  
潤濺人衣珠光紛明徹灑落碧沼平鬢沸流無竭勝地  
憶初闢仙人降金闕曾爲對泉來泡影悟真訣明李對泉中丞  
建祠奉呂祖因於殿前疏泉有客擬句曰勝地自久觀  
從開府闢適呂祖降乩對以仙人原爲對泉來

勢旁魄傾聽聲激越憑欄暢道心耳目雙清絕

濟南雜詠 錄四

清風明月小滄浪千頃蓮花自在香舊是忠臣誓師處

背城面水奉祠堂

水面亭鐵公誓師處

湖光瀲灩迴含秋不見詩人白雪樓想像蛾眉倚天半  
夕陽無限水空流

閣高北斗挂城邊閣外齊州九點煙人到白雲聞逸響

泠泠徽外兩三絃

北極閣道土善琴

百花洲上百花橋月下何人吹玉簫山色峭華來郭外



看山宜晝更宜宵

濟南旅舍讀山左諸家詩各題一絕凡十四首

望闕思鄉哀怨深江山風雨入豪吟鍾譚以後論風雅

東海猶聞正始音

宋荔裳

妙悟滄浪細討論說詩真許到河源

阮亭贈句說詩閒真欲到河源

吟楓葉梨花句落紙都無筆墨痕

趙韞退

一杯聊復醉花前

先生有廣東坡勸爾一杯聊復醉小詞

咳唾珠璣落九

天胸次翛然埃壒外達官居士亦神仙

高念東

拈句偏從淡處工襄陽超詣肇門風論詩難弟標微旨

浣筆爲圖寫孟公

王西樵

少歲天才獨角麟  
總持風雅百年新  
鏡花水月參三昧  
未許空疏一問津

王阮亭

一訪孤山嚴瀨後  
無人爲辦草堂貲  
錦秋湖畔畱荒壘  
清節長傳飢頌詩

徐東癡

野徑看雨雙屐蠟  
石田耕雲半犁泥

野鶴句

誰知磊落嶽

奇士風致翩翩入品題

丁野鶴

尊唐不肯薄蘇黃  
壇坫新城興頡頏  
麗句清詞工潤飾

縱橫排冝遜山蘊

田山蘊

長安十子鬪清新惟禳延之秀出羣可惜英才未見止

山東獨步屬何人

顏修來

方山詩不學香山酷似香山心性閒歸臥杏村無一事

絳雲舒卷碧霄間

謝方山

空山落照妙形容

先生論詩句欲知秋色分明處只在空山落照中

簡澹詩攄

磊落胸司寇門高爭樹幟登龍不屑卻談龍

趙秋谷

數帆亭子枕清波抱膝長吟七字多明月白雲畱絕唱

至今猶聽小鬻歌

田香城

舍人性傲文益奇邁古駭今光陸離遺詩四十餘年後

老友飴山爲序之

馮大木

藉甚西園豪縱名江湖漂泊歎浮生詩書畫絕君兼擅

顛米迂倪有定評

高西園

己卯十二月薄遊山右大雪尺餘用韓詩辛卯年

雪韻

窮冬苦行役人如春未歸邈迄過固關前路雪成園枯

樹驚花發連山無鳥飛桃園

地名

迷車轍杏村颺酒旗

酒家

皆署杏花村

荒驛夜疑曙漫空舞羽衣彷彿天門關瓊樓萬

玉妃俯看慈母綫還念賢婦機衝寒違鄉井嗒焉悟昨

非閉戶學袁安屢空其庶幾胡爲滯異地泥中歌式微

晉祠

我行晉陽道流水如碧玉稻收拓平原城遙接寒綠崇  
祠驛路旁蒼莽翳林木祠下涌溫泉祠中列老屋貞觀  
聳豐碑完好尚堪讀空際有人聲巉巖轉輪轂傑閣祀  
虞母精舍環簇簇俯瞰避暑宮頽垣遮崖谷溝塍似江  
鄉晴郊聞叱犢

郭林宗祠

岸巾疏雨介亭來有道祠堂隱大槐背郭空山飛翟雉

尋碑荒徑剔莓苔顧廚君獨推明哲雅俗人同入化裁  
我慕高風千載後生芻薦罷重低回

讀有道碑

神仙望重布衣尊紀實碑文語不煩寫到居貞應閣筆  
全生深愧託權門

傅鄭書工爲補殘摩挲且作漢碑看荒祠翻喜無人搨

贏得韓陵片石完

中郎隸書碑石無存傅山  
鄭篋重摹二通深得漢法

堯城題壁步家旣堂運使韻

我來只是看青山襍被勞勞道路間消受山中清福好

古今惟有白雲閒

故鄉千里憶燕山家在清泉白石間  
桑八百株田二頃  
吾生早已賦閒閒

秦嶽遊來又霍山雲煙萬疊拓胸間  
他年宦轍知何處  
拄笏應無此日閒

蒲州尋吳天章徵君故居

門前九曲崑崙水千點桃花尺半魚  
昔讀先生集中句  
今訪先生山下居王官谷口修竹碧中  
條例是詩人宅  
鸛鵲樓聳凌雲煙三休亭開羅圖籍  
先生歌詠追唐賢

時從簡古發穠纖水月鏡花參妙悟河聲嶽色入新篇

一鞭曾指津門柳判年畱滯逢老友遂賢堂裏主張君

思源莊中醉滄酒

趙秋谷有天津喜晤老友吳天章兼贈其所主張君詩

蓮洋詩

格如蓮花

秋谷句

行吟遊倦迴輕車迢迢千里渡汾水秋

風秋雨客還家玉簪山前松菊墅小築草堂憩杜甫偶  
與父老話陰晴閒啟軒窗面場圃時經百載問荒園老  
樹柴門何處村紅雨亂飄三月暮遊人恍入武陵源

### 冠山書院

孤城出高嶺環列衆山雄客到天門外

東天門南天門在平定州北



書藏石室中

俗多疊石爲屋

絃歌承雅化唐魏有餘風鹿洞匡

廬上將無勝境同

卽事

半載并門息轉蓬  
皋比坐擁笑冬烘  
秋懸飛鳥丹霞外  
人住修林翠嶺中  
適興移尊邀皓月  
多情入室伴清風  
聽來東野吟詩苦  
銅斗歌成句最工

謂孟生  
醇酒

孟生詩用韓詩答孟郊韻

爲文必已出古拙  
異時巧清不滓一  
塵中含經史飽幾  
度引蓬萊苦被迴  
風攪白屋未逢辰  
天門空望卯我獨

賞佳製精鍊費煎燭幽險造平淡談理非執拗斲聖匠  
石斤搔痒麻姑爪彼哉淺見土至味奚咀齧

中秋

雲開玉宇不勝寒道院涼宵獨倚欄一樣中秋可憐月  
年來多在異鄉看

遊冠山

郭外青光雨乍收萬松蔥翠拱層樓地開戰壘依微水  
勢壯關門控冀州坐論僧房停客屐山有石題曰  
山中坐論醉歸  
山月印泉流車煩馬殆風塵裏不負吟懷祇此遊

登平定城樓

并州秋色擁高臺黃葉丹楓節序催病減帶圍餘傲骨  
狂澆疊塊疊空杯一時客蹟如雲散千里鄉書望鴈來  
直北津門歸去近故園應爲翦蒿萊

送蔡笛椽同年返京師

壯遊看遍太行山秋雨槐黃過固關石磴千盤飛瀑外  
天門一綫亂雲間衙齋翠茗聯吟韻曾同寓  
學使署客舍青燈  
照醉顏無意聚萍旋話別巾車我亦故鄉還

讀傅青主徵君霜紅龕詩集

我讀徵君詩劇目驚罕見太璞韜奇光天花散古豔  
澄昏苦紬繹微旨互隱現沈鬱離騷經激昂徵羽變緬想  
逸羣人吐擲駭雷電佳句吟蓮洋春風藹撲面

與蓮洋詩合刻

庚辰九月歸自山西

一年滯山右沽上今方歸入門亟拜母積塵拂征衣母  
慰爲兒言兒勞面目驚客冬冒雪去做裘凜寒威膝下  
三十載從未千里違崎嶇太行道有夢繞征騑知爾念  
親舍心逐孤雲飛弧矢四方志甯甘守房幃所願家庭  
聚我已白髮稀聞言喜且懼容婉淚暗揮何時板輿奉

晨昏戀春暉計日又北上怒焉別慈闈

讀漢書雜詠

殘破咸陽一炬紅沐猴歸去霸江東范增老諍真無用  
祇勸鴻門殺沛公

四皓商山舊避秦也如圯上授書人叔孫廷諍儲君定  
調護何煩老逸民

美人帳下泣重瞳罷酒噓唏舞漢宮一種纏絲兒女意  
多情畢竟屬英雄

丞相申屠起蹶張幸臣徒跣畏剛方府中不作迎車拜

儒術何妨遜孔光

十載淮陽臥閣人封侯那敢望平津當時莫歎非隆遇  
更許誰爲社稷臣

策對賢良起隱淪朝廷洙泗比斷斷通儒遠相驕王去  
東閣延賓牧豕人

高車駟馬大于門累世公卿郭仲孫造福法家還受福  
蒼鷹乳虎幾人存

紫色畫聲見最先乘輅進諫去飄然南昌小吏吳門卒  
一脫風塵便是仙

漢室承家領五經國師官有拜新廷可憐三統勞推測  
天象空瞻太白星

恩同父子復何疑嘗念淖沱麥飯時大樹將軍天水守  
繇山不似介之推

煩苛著效易褻揚安靜無因見寸長郡邑才能多少吏  
元和特詔獎劉方

邊豐毋開法網開國疑主少濟時才三公累世承餘蔭  
記取清修臥雪來

博通典籍祗羞貧阿附權臣困直臣贏得後堂陳女樂

及門應愧客耕人

鶴書幾度返山林  
芒碭傭工晦跡深  
不作危言櫻世網  
墊巾人外少同心

開講龍光殿不停  
百官齊著戰袍聽  
誰知向栩籌平賊  
早辦臨河讀孝經

讀杜詩有感

我讀草堂詩  
攄懷見忠厚  
艱難不忘君  
纏綿亦篤友  
白也倜儻人  
東都共尊酒  
一應永王聘  
終身獨含垢  
迫脅非不得已  
千金辭不受  
誰將此義陳  
惟有杜陵叟  
原心爲



略迹憐才不絕口  
千古文字交情深  
逾韓柳